



Reykjavík 10. júlí 2024

## Niðurstöður könnunar- og matsferlis hjá Kviku banka hf.

Fjármálaeftirlit Seðlabanka Íslands leggur mat á áhættuþætti í starfsemi fjármálafyrirtækja í könnunar- og matsferli (e. Supervisory Review and Evaluation Process, SREP) og með hvaða hætti fjármálafyrirtæki meðhöndlar þá í starfseminni, sbr. lög nr. 161/2002 um fjármálafyrirtæki. Könnunar- og matsferli er framkvæmt árlega, á tveggja ára eða þriggja ára fresti, allt eftir stærð, kerfislegu mikilvægi, eðli umfangi og því hversu margþætt starfsemin er.

Í ferlinu er meðal annars lagt mat á viðskiptaáætlun, stjórnarhætti og innra eftirlit, útlána- og samþjöppunaráhættu, markaðsáhættu, rekstraráhættu, lausafjár- og fjármögnunaráhættu og álagspróf. Við mat á þessum áhættuþáttum er stuðst við [Almenn viðmið og aðferðafræði vegna könnunar- og matsferlis hjá fjármálafyrirtækjum \(SREP\)](#) sem byggja á viðmiðunarreglum Evrópsku bankaeftirlits-stofnunarinnar (EBA) um sama efni. Jafnframt er höfð hliðsjón af ýmsum öðrum viðmiðunarreglum.

Könnunar- og matsferlið leiðir til niðurstöðu um að hve miklu leyti þær ráðstafanir sem hlutaðeigandi fjármálafyrirtæki hefur gripið til vegna áhættuþátta séu nægjanlegar, hvort stjórnun þess sé traust og hvort eiginfjárgrunnur sé fullnægjandi með hliðsjón af þeim áhættuþáttum sem felast í starfseminni. Á grundvelli könnunar- og matsferlisins hefur fjármálaeftirlitið meðal annars heimild til að mæla fyrir um hærra eiginfjárlutfall en sem nemur hinu 8% lögbundna lágmarki, endurbætur á innri ferlum, niðurfærslu á eignum við útreikning á eiginfjárgrunni, hömlur eða takmörkun á starfsemi hlutaðeigandi fjármálafyrirtækis og að dregið sé úr áhættu sem starfsemi þess felur í sér. Þá getur fjármálaeftirlitið komið ýmsum athugasemdum og ábendingum á framfæri í ferlinu.

Kvika banki hf. skilaði fjármálaeftirlitinu mati sínu á eiginfjárpörf, miðað við 31. desember 2023, með svokallaðri ICAAP/ILAAP-skýrslu í mars 2024. Í kjölfar móttöku skýrslunnar hófst fjármálaeftirlitið handa við að kanna efni hennar og greina upplýsingar sem þar komu fram og afla frekari upplýsinga auk þess sem byrjað var að leggja mat á helstu áhættuþætti í starfsemi bankans. Fjármálaeftirlitið sendi bankanum drög að niðurstöðum könnunar- og matsferlisins í byrjun júní 2024 og fékk bankinn tækifæri til að koma á framfæri andmælum, sbr. IV. kafla stjórnarsýslulaga nr. 37/1993. Engin andmæli bárust frá bankanum. Fjármálaeftirlitið hefur nú lokið þeim þætti könnunar- og matsferlisins sem snýr að mati á eiginfjárpörf og sendi Kviku banka hf. bréf um niðurstöðuna 28. júní 2024.

## Viðbótarkrafa um eiginfjárgrunn Kviku banka hf.

Niðurstaðan var að Kvika banki hf. skyldi frá og með 30. júní 2024 viðhalda viðbótarkröfu um eiginfjárgrunn sem nemur 3,6% af áhættugrunni (Stoð II-R). Viðbótarkrafan kemur til vegna útlána-, mótaðila- og samþjöppunaráhættu, markaðs- og fastvaxtaáhættu. Viðbótarkrafan undir stoð II-R skiptist þannig að almennt eigið fé þáttar 1 skal nema að

lágmarki 2,0% af áhættugrunni og þáttur 1 í heild skal nema að lágmarki 2,7% af áhættugrunni.

Viðbótareiginfjárfrafan kemur til viðbótar grunnkröfu um eiginfjárgrunn og samanlagðri kröfu um eiginfjárafuka:

- Grunnkrafa um eiginfjárgrunn (stoð I) nemur 8% af áhættugrunni. Af kröfunni skal almennt eigið fé þáttar 1 nema að lágmarki 4,5% af áhættugrunni og þáttur 1 í heild skal nema að lágmarki 6% af áhættugrunni.
- Samanlögð krafa um eiginfjárafuka nemur 7,3% af áhættugrunni, miðað við 31. desember 2023, og skal henni vera að fullu mætt með almennu eigin fé þáttar 1. Samanlögð krafa um eiginfjárafuka tekur mið af samsetningu innlendra og erlendra áhættuveginna eigna, sem er ólík á milli banka.

Heildarkrafa um eiginfjárgrunn Kviku banka hf., á samstæðugrunni, nemur því 18,9% af áhættugrunni og samanstendur af grunnkröfu um eiginfjárgrunn, viðbótarkröfu um eiginfjárgrunn og samanlagðri kröfu um eiginfjárafuka.